

أين؟ متى؟ مَنْ؟ بِمَا يُبَشِّرُونَ

قصص من الحركات النسوية في لبنان

لَوْيَنْ مِنْوَصِّلِكْ يَا مَارِي؟

قصص من الحركات النسوية في لبنان

النص: برناديت ضو ويزن السعدي

الرسومات:

- رزان وهبة (الاجتماع والفيضان)
- رواند عيسى (قصة ماري)
- ترايسى شهوان (قصة نصال)
- جوأن باز (قصة هيفاء)
- سيران مخبير (قصة نورا)

تصميم الكتاب: رواند عيسى

تطوير الواقع الإلكتروني: ليال خطيب

تمهيد

من القضايا المركزية (والتي تحمل مفارقة كبيرة) التي تواجه الحركات النسوية في الدول العربية بشكل عام ولبنان بشكل خاص، أنها متهمة بنقل التأثير الغربي، بينما في الواقع ولدت الحركات النسوية وتطورت في سياق الحركات القومية والشيوعية وضمن النضال من أجل التحرر الوطني. النسوية ليست أيديولوجية أجنبية "فرضها" الاستعمار، بل كانت أصيلة في مجتمعاتنا، حيث ناضلت النساء من أجل المساواة والعدالة الاجتماعية ضد تبعية المرأة في الأسرة بموجب قوانين الأحوال الشخصية الطائفية، وفي ظل النظام البطريكي بالمجتمع بشكل عام.

لطلاً خضعت النسوية في لبنان لتدقيق شديد مقارنة بـ "الأولويات" التي حددتها الحركات الأخرى. شاركت النساء بقوة في النضالات القومية والناهضة للرأسمالية منذ الاستقلال الوطني وصولاً إلى مقاومة الاحتلال الإسرائيلي، وشاركت بنشاط في النضالات الطبقية داخل الحركات العمالية والطلابية. ومع ذلك، فإن الرفاق الذكور يميلون إلى السيطرة على نضالاتهن، إذ يعزلون أجنداتهن النسوية، التي لا تعتبر أولوية ثورية، ويصدونها.

يسعى هذا الكتاب المصوّر إلى إبراز كيف ظهرت هذه الحركات النسوية ونمّت خلال القرن الماضي. ومع ذلك، فإن تقديم تاريخ كامل وشامل لهذه الحركات يتخطى ما يمكن لهذه الصفحات أن تتسع له. لذا، اخترنا أن نجمع أكثر من مئة عام من النشاط النسوي في أربع قصص شخصية خيالية، مستوحاة من شهادات حقيقة لناشطات من أجيال مختلفة، بالإضافة إلى تجارب عاشرها وشهادتها الكاتبة والكاتب.

هذا العمل، الذي وضع اللمسات الأخيرة عليه خلال فترة هزتها الاحتجاجات، وانهيار اقتصادي غير مسبوق، وانفجار دمر نصف بيروت تقريباً، بالإضافة إلى وباء عالي، يرتكز على بحث أجري بين 2010 و2015 تضمن مقابلات مع ناشطات نسويات. ساهمت مصادر أخرى، مثل الصور، والأفلام، والكتب، وللمقالات عن النسوية والحركات الاجتماعية في لبنان، في إغناء الرسوم والنص.


نأمل أن يكون هذا العمل لفعم بالألوان، والقائم أحياناً، شارة تشعل الفضول والشغف بحركة جوهرية بنضالات أوسع في لبنان، والمنطقة، والعالم.

الاجتماع

ما لازم نهجم على المصارف ونعطيهم حجة للتسكير! الأولوية
هلق هي تشكيل حكومة إنقاذية عندها صلاحيات استثنائية!
تشيلنا من الأزمة وتحاسب الفاسدين!







مين كمان بدو شاي؟

لأشكرا حبيبتي. أنا معن
تيرموس شاي أخضر ما
بقدر اشرب غيره.

شفتك بالمظاهرات
كل الوقت عم تهتفي.

ههه ايه عم فرغ
كل غضبي

أنا ما بحب اهتف.. بستحي..
بغضيل اتسمع عالهاتفات.
متل كان عم اسمع موسيقى.

إذا ما في قهوة
ما تجيئلي شي



بالـ٢٠١٥ صار تحرش بالنساء
بالمظاهرات، اتهمونا الشباب إنو
عم نبالغ ونشوه صورة الحراك،
وصاروا يطلبوا اثباتات!



لما اسمع الناشطيناليوم عم يهتفوا
”ويني الدولة“، بفهم شو قصدhem.
بس يعرف انو المعنى مختلف تحت
الاستعمار. ما كان في لا مؤسسات
ولا وطن ولا قانون. خلقت قبل ما
يخلق لبنان هاها...

قصة مارى



عشت طفولتي تحت الانتداب الفرنسي،
اللي استعمروا أرضنا بعد الحرب العالمية
الأولى. وكانوا الأهل يخافوا على بنات من
التحرش من الجيش الفرنسي..
بس أهلي يكونوا بالشغل كنت ألعب مع
الولاد بالحارة. وهيك شفت أول
ظاهرة بحياتي.



رغم الفقر والتعذير كان بيتنا دائمًا مفتوح ومليان
ناس. أصحاب أهلي بالشغل كانوا يجتمعوا عنا
يحضروا لتحركات النقابة.

كنت اتحمس وأركض ساعد امي عشان
اتسمع على الحديث. كان كثير يعتد
النقاش أوقات، خاصة لما يحكوا عن
ظروف العمل.

بتذكر ربيحة القهوة اللي وقعتها
رفيق بيبي هو وعم يشارع.
هيدي اللقاءات ببيت أهلي
زرعت فينيوعي وطني.





من أنا وصغيرة كمان صرت
إفهم الظلم. أمي كانت تأخذ
أجر أقل من بيبي لأنها مرا.

وكنت أعرف كمان انو بيبي كان
فقير ولهيك ما قدرنا نروح
ع مدرسة منيحة.

حتى لما بيبي تعرض لحادث
بالشفل ما عوّضوا عليه وصار
عاطل عن العمل.



معاش امي ما كان
يكفيانا، فاضطربت
أترك المدرسة أنا
وأختي الكبيرة
واشتغلنا بمصنع
قمash تنساعد
 بالمصروف.
.

زعلت كتير لأنني
كنت حب المدرسة،
كنت عم اكتشف
أفكار جديدة وكان
عندي أصحاب.



كان عمري 12 سنة، يعني
قبل بسنة من الاستقلال.
كان المصنع مدرسة
علمتني كتير عن الظلم.

كنا كلنا بنات نشتغل على
المكبات. في شب كان
يعمل صيانة للمكبات، غاب
مرة بسبب المرض، تاني
يوم خصم له صاحب الشغل
من راتبه. يعني العامل
ممنوع يمرض!

وقتا ما كان في قانون عمل
أو دولة بتحمي العمال.

صرت أنا كمان شارك بالمظاهرات مع أهلي
ضد إدارة الريجي الفرنسي.

قصة الاستقلال الرسمية اللي بتعرفوها اليوم
ما بتعكس نضالات العمال والفقراء طوال فترة
الانتداب وقبلها.

الإضراب متتنوع ل لتحقيق
مطالب العمال

بس النضال النقابي ما وقف. وسقطت وردة بطرس أول
شهيدة للحركة النقابية بلبنان وسقط غيرها جرداً.

صار الاستقلال...



يمكن تتفاجأوا أنو النساء كانوا بقيادة التنظيم النقابي
والتحركات بالشارع بهيداكم الوقت.. وهنني دايماً أول
الضحايا. بس تصحياتن أثمرت أول انتصار للطبقة العاملة
وهو إقرار قانون العمل بعد كم شهر من الإضراب.





مع انو كنا مسيحيين تينيناتنا، رفض الخوري يحط
مذهبني على الوثيقة، حط مذهب زوجي.. النظام
الطايفي بيعتبر ما إللي كيان مستقل عن زوجي.



بهيدا الوقت تعرفت على
زوجي وتركت الشغل. أخذت
واحد من غير مذهب لأنني
حبيته. واكتشفت مشاكل ما
كنت متوقعتها.



كانوا يعتبروا النساء بلا عقل ولا فهم.
انا اللي كل نضال امي واختي ونضالي ضد ظلم
الفرنسيين وكرمال لقمة عيشنا، منطلع برا المعايدة؟!



بس أكبر صدمة الي كانت حرمان النساء من الحق
بالانتخاب عام 1950. حسيت بظلم كبير لأن كنت
مدهمسة انتخب الناس اللي بمثلكوني.

حق المرأة أن تنتخب وتنتخب

"مرحبا، اسمي وداد من لجنة حقوق المرأة. عم جمع توقيع على عريضة للمطالبة بمنح المرأة الحق بالاقتراع. يتحبي تشاركي معنا؟"

وصل الجواب نهار أحد الصبح بعد القدس. كنت بالمطبخ معجوبة عم حضر الغدا وبيدق الباب.

من وقتها قررت ناضل أكثر
لحقوق المرأة...

ما حسيينا كيف قطع الوقت نحن وعم تحكي. حكينا عن
كتير أشياء.. حسيت أتو بعرفها من زمان وفتحتلا قلبني.
خبرتني عن شغلا باللجنة وعن القضايا اللي بيشتغلوا
عليها وعن الحملة لتعديل قانون الانتخابات.

السيدة

مع رفقاتي اللي كنت اعرفهن من المصنع..
مع الجارات بعد قداس الأحد.. وحتى القرايب. كنت اعزم
عالصبية وبلاش احكى عن العريضة.

وهيك صار. بلشت ساعد بالعربيضة.. ما خليت حدا من
شرّي! هاها. كنت احكى عنها وبين ما روح...



ما اكتفيينا بالعربيضة، كملنا ضغط بالشارع.
بلشنا نحضر تحرّكات واتصلنا بكل الجمعيات
النسائية من كل المناطق لنوحد جهودنا.

في مرة قالتلني قرابتني: "حقوق المرأة هي أساوري الذهب، السوق والخادمة
بالبيت". هيدا الموقف زادني إصرار.

ما كانت المعركة سهلة مع المجتمع بسبب التقاليد المختلفة، لأن كانوا خائفين من مشاركة النساء وتخييب حساباتهم السياسية.



كتير صار علينا ضغوطات..
بس ما وقفنا.




أشغلنا ليل نهار. نظمنا اجتماعات تنسيقية لتنظيم " أسبوع المرأة" ، وعملنا زيارات لكل المدن، ونظمنا مهرجانات، كلها بهدف ندعى النساء للتواقيع على العريضة والمشاركة في التدرك المركزي في بيروت.

اشغلنا ليل نهار. نظمنا اجتماعات تنسيقية لتنظيم " أسبوع المرأة" ، وعملنا زيارات لكل المدن، ونظمنا مهرجانات، كلها بهدف ندعى النساء للتواقيع على العريضة والمشاركة في التدرك المركزي في بيروت.

كثير مهم نتذكر انو الحلم باستقلال الوطن الي تحقق بالـ 1943، قدرنا نستكمله بعد 10 سنين بتحقيق حلم المرأة اللبنانيه انو تصير تشارك بالقرار السياسي الوطني.

وصارت النساء مش بس تشارك بالاقتراع، كمان بالترشح للمقاعد النيابية. بس النساء اللي ترشحوا بالـ 1953 والـ 1957 رجعوا انسحبوا من المنافسة تحت ضغط عائلي ومجتمعي..





الدولة ما كانت تعرف غير قمع الاحتتجاجات.. مظاهرات
الحركة النقابية والطلابية صارت تكبر اكتر.. بس
المجلس النسائي كان بعيد عن حركة الشارع.



الوحدة الوطنية كانت أسطورة لأن صارت أول حرب
طائفية سنة 1958 بسبب تفاقم المشاكل
الاقتصادية والسياسية والطائفية..



ليش شو قدرت الأنظمة العربية كلها
تعمل بوج اسرائيل؟ هاها!



صحيح النظام الطائفي ما كان بلبي طموحاتنا..
بس كمان اسرائيل ما خلتنا نتهنا بالاستقلال..
ودايما كان في تدخل اجنبي بشؤون الوطن.



خسرنا حرب 1967. "النكسة".
كانت هزيمة كبيرة.



خلقت معي المصايب.. والأحلام الوردية اللي حكيت عنهم ماري شفتن بعيوني كيف تحولوا لكابوس.

دائماً بحس من وقت خلقت كان وجي نحس..

قصة نضل

مع إني خلقت بالسنة اللي صارت فيها حرب السويس، وأهلي كانوا يحبوا عبدالناصر مثلك كتير ناس وقتاً...



التاريخ لن يعيد نفسه، بل بالعكس حبني السد العالي، وسنحصل على حقوقنا المغتصبة...



بعدين كرت المصايب.. وقت صارت حرب الـ ١٩٥٨ كان عمري سنتين.
ووقتها صار انزال المارينز بيروت أيام كميل شمعون.

البلد كان مقسوم طائفياً
وسياسياً بمواجهة إسرائيل،
وهيدا الشي كان يشمل مش
بس الطوائف.. كمان المنظمات
النسوية اللي تأثرت وحدتهن
بسبب الانقسامات بالبلد.



مش بس تحطمت أسطورة الوحدة الوطنية،
بس كمان اسطورة انو لبنان هو "سويسرا
الشرق" .. كنا عايشين أزمة اقتصادية وفقر
وأممية وإفماء غير متوازن.

انهيار بنك انترا ومؤسسة المودعين

كنت شوف وضعنا بالبيت عم يتدهور سنة بعد سنة.. وزادت
المشاكل بين أهلي.. كل هيدا ولد غصب جواي وثورة عالظلم
متل كل ولاد جيلي..



توقيع اتفاق القاهرة

فوق كل هيدا الأزمات.. صارت النكسة. كل تضحيات
الشعوب العربية تهدف دعم جهود الحرب.. راحت عالفاشي.



السفينة ليبرتي تقترب من الشاطئ المصري!

كانت الحركة الطلابية بينحسبلا حساب وكان التركيز على تحسين التعليم الرسمي.. وكانت المقاومة والقضية الفلسطينية بصلب النضال.

طلاب ثانويات بيروت شكلوا مجالس منتخبة تجتمع مرة كل شهر او شهرين وتتفق على برنامج. كانوا إذا دعوا لmanifestation ينزل المئات!

كنت شارك بالمظاهرات بالسر عن أهلي. هني كانوا كتير محافظين وبرأيهم هيذا المكان مش مناسب لي.

وهيك تعرفت على مجموعة يسارية بالمدرسة وصرت احضر معن محاضرات فكرية.

وحدة الطبقية العاملة
حرب لتعزيز الطالب

كان الصراع كتير محتدم بين السلطة اللي عم تفتر الناس والاحتجاجات اللي عم تغلي بالشارع.. بتتذكري إضراب معمل غندور يا ماري؟ وقتا تعرفت عليك.

كنت رافضة الدور اللي كاتبلي ياه المجتمع، ودائما كنت أشطر من رفقائي الصبيان بالمدرسة.

كل عمرك قوية يا نضال، من وقت تعرفت عليك كان ملفت حماسك وشغفك بالثورة على كل شي، وخاصة على "جيينا".



وقت فتت عالجامعة ما كتير كان يهمني الصف، كنت محمّسة التقى بأشحاحي ونتبادل كتب سياسية ونناقشها مع بعض.



ما كان هدفنا نغير قانون من هون
او نعمل اصلاح زغير من هونيك.
كان بدننا نغير النظام.. مش بس النظم
السياسي، كان بدننا نغير العيلة والمجتمع
والتقالييد. كنا ممحسين لأشياء كذا
غمّارسها بحياتنا الشخصية.



بس حمسنا فوتنا بمشاكل. أولها كان مع رفاقنا الرجال بالحزب.

شو صار؟ شو عملتو؟!

صحيح بالأول الحزب شجعنا نعمل اللجنة النسائية بس
كان رافض تكون أجندة نسوية وخلى اللجنة تحت الرقابة.
تخايلي كانوا ييعتولنا رفيق من المكتب السياسي يحضر
اجتماعات اللجنة النسائية!

كانوا خايفين نفلت منهم. بحجة أنو المجتمع محافظ كان
ممنوع نحكي عن قضايا التحرر الجنسي والاجتماعي للنساء.



بس ما تركنا الحزب وضللينا عم
نشتغل مع الناس عالأرض. كانت
الأوضاع المعيشية كتير صعبة،
ودايماً بهيك ظروف بتصرير حقوق
المرأة مش أولوية.




عملنا كتير ضجة وبلاشوا الرفاق يحكوا
مع العاملات "كيف يتقبلني انو زوجك
لازم يساعدك باليت؟" وتبيّلش الخناقات
بين الرفيقات والرفاق.



كنا نقرأ أدبيات الحركة
النساوية بالعام ..





الحرب ما ولعت فجأة، كانت عم تصير بكتير أشكال والكل كانوا عم يحضرولها. كانوا كل الأحزاب مفكرين أنو الحرب هي الوسيلة الوحيدة للتغيير. بس كمان الحرب خسرتنا ناس من الحزب وأثرت على تواجدنا وشغلنا بعض المناطق. بذات الوقت قررنا نأسس منظمة نسوية مستقلة عن الحزب.

بال ١٩٧٨ صار أول اجتياح إسرائيلي وزادت الحاجة لمساعدات.

بذات الوقت قررت شارت بالعمل العسكري، واشتغلت على الجهاز اللاسلكي للتواصل مع المقاومة... مع انو ما كان كتير مشجع البنات ينزلوا عالجبهة.



وركزنا شغلنا مع المهجرين ومع النساء على التدريب المهني ومحو الأمية والتوعية على قانون العمل وحقوقهن كنساء.



هو درزي وأنا شيعية.. أهلنا كانوا رافضين.. بس ما جربنا نحصل على موافقتهم ولقيينا شيخ قبل يزوجنا. كان صريبي زمان ما حاسة بهيك فرح.. بس ما لحقنا وصار الاجتياح الإسرائيلي سنة ١٩٨٢...

تعرفت على زوجي عالجهاز.. كنا نفتح أحاديث، وحياته قبل ما اتعرّف عليه. كان مختلف عن كتير رفاق اللي كانوا يحكوا عن التحرر، بس بحياتن الشخصية محافظين.



بس كمان تجديد المقاومة ببيروت..


وحصار بيروت.. والمجازر.. وموجة تهجير جديدة..

٨٨ يوماً من الصمود
أثبتت حتىّة هزيمة إسرائيل

سنقاوم..

ما صارت
المجازر أبشع،
 خاصة
 يلي عملتها
 الأحزاب يلي
 بتسمى حالها
 "وطنية"،
 بلشت شك
 بالمشروع
 اللي كنت
 جزء منه.

بهيدي الفترة
 خسرت كتير
 من أصحابي
 اللي هربوا من
 حصار بيروت
 ومن الحرب
 ببلبنان.



كان عنا أحلام
 وقضايا بس
 ما كنت
 عارفة انو
 رح نوصل
 لـ الـ درجة من
 البشاعة.
 فـ كـ فـ كل
 الميليشيات... .



يمكن كنت عم امرق بأزمة وجودية. بس لما حسيت اني خايفه على حياة ولادي اذا خلقو بيها ظروف، فهمت إنو الحرب بتعارض مع أمومتي وصرت متحيزه أكثر لنسويتي.

ليش غيري رأيك؟



معك حق.. بوقتا صار العنف أكبر وصارت مراكزنا تتعرض لاعتداءات من الميليشيات. أكثر شي مؤذن ليشغلا عالأرض كان سعود الأحزاب الإسلامية وصار المجتمع محافظ أكثر. اللي ترافق مع انهيار الليرة والأزمة الاقتصادية.. وهيك قدرت القوى الطائفية انو تهيمن على المجتمع...

بس فيكي تكوفي نسوية بلا شعور الأمومة..



بتذكر مظاهرة المتحف! كنت وقتها بالجامعة وكان المتحف خط تماس بس كان المشهد كتير عاطفي والناس كانوا عم يبكونا!

وبالفعل بلشنا ننظم تحركات وإضرابات ضد الحرب. بس حركتنا كانت أضعف من قرار الميليشيات.



تخايلي ناس كانوا أصدقاء أو زملاء وصرلن زمان ما التقوا!!

لو ما صارت الحرب برأيك كان وضع
المرأة أحسن اليوم؟

كيف أصدقاء وكتنوا عم تقتلوا ببعض؟

ما بعرف. بس عالاًكيد إنو الحرب جبرتنا نرجع للأدوار
التقليدية ونهتم بالضحايا.. وما كتير كان عنا
خيارات سياسية.

بس على فكرة، رغم التقسيم، العلاقات ما انقطعت
كلياً على مستوى النقابات والجمعيات.

هاهاها! لا قصدي قول
انو لازم الناس تتنظم للدفاع
عن مصالحها.. على أيامنا كنا
نروح ندق على أبواب الناس
ونحكى معهم.

يعني معقول
يصير حرب
من جديد؟

الناس من حقها تدافع عن نفسها
بكل الطرق.. بس كمان ما فينا نغير شي
إذا ما تنظموا الناس.. ما فيken تضلوا
قاعددين عالفايسبوك والانترنت.

ما حاسين انو عم تكتروا تنظير عالصبايا؟
هني هلق دورن يغيروا وأنتو لازم تتركولهن
حريتهن يصنعوا تجربتن.

همم...اوي! من أنا وصغيرة كان عندي شغف افي ساعد
الناس المعترين، والفضل لأهلي اللي ربوني على هالمبادئ...

لا بالعكس نحن منتعلم منن ومنك كمان!
ليش ما بتخبرينا قصتك هيفا؟

أهلي كانوا منفتحين، ولا مرة حسست بي
عم يقمعني أنا أو أمي.

خلقت بيروت قبل الحرب الأهلية بكم سنة، وعشت طفولة كتير
حلوة أنا وخيلي. بيبي كان صحافي وأمي من عيلة كتير معروفة.



وقت علقت الحرب، أصررت إمي أنو نسافر، بس بيبي ما كان يقبل. بعد سنتين، صرنا نحس بضغط كبير تنقدر نكفي بحياتنا
اليومية. التنقل أصعب، والغلاء، والقصص والمجازر والتهجير.. انجرر يغتر رأيه وتركنا البلد.

قصة هيفاء

هربنا عُبرص وعشنا
تقريبا كل فترة الحرب
هونيك. بيبي ضل يشتغل
مع الجريدة.. كان كل يوم
أحد يطلب مني أنا وخيلي
نقرأها لأن لازم نتابع الأخبار
ونحافظ على لغتنا وثقافتنا.



أنا وخيلي حبينا الحياة بقبرص وصار عنا أصحاب وكنا نقضي كل العطلة على البحر. بس أهلي، وخاصة بيبي،
ما كانوا مبسوطين.. كل الوقت اللي عشناه هونيك كانوا ناطرين اللحظة اللي منرجع فيها على بيروت.

صوب آخر الحرب كانت راقت الأوضاع شوي وأهلي قرروا نرجع وكان صار وقت اتسجل بالجامعة..

فرجعنا
وتسجلت
بالجامعة
اليسوعية.

كنت عم اتخخص بالعمل الاجتماعي وتعرفت على أصدقاء بسرعة ساعدوني اتأقلم مع الحياة بيروت.
ووقتها كمان كنا متأملين إنو الحرب تخلص بسرعة ويرجع البلد أحسن من ما كان.



بحكم دراستي تعرفت على كتير جمعيات، وحبيت الأفكار الجديدة اللي عم ينشروها عن
الديمقراطية والمعاهدات الدولية لحقوق الإنسان، وقررت اتطوع معن.

صحيح كانوا آخر سنتين من
الحرب صعبين كتير، بس
بذات الوقت كان في حملات
لبنانية وضغوطات دولية
لوقف المارك. وصار في
عود دولية بمساعدة
إعادة الإعمار

تخرجت أول ما خلصت الحرب، وكان عندي أمل مثل كل الناس انونبني كل شي ونرجع السلام.

كنت محمّسة كتير للعمل الاجتماعي، وكنت مقتنعة إنو عندي دور لازم قوم فيه بعمليّة بناء مجتمع جديد.

كان في شغل ضروري
ينعمل على كل الصعد
وكان دور المجتمع المدني
ضروري لمساعدة الدولة
توقف على إجرائها من
جديد. يا أمّا مليشيات يا
اما الدولة والسلم الأهلي،
ونحن ما إلنا غير الدولة
تحميّنا من الطوائف.

بلشت اشتغل مع جمعية عرفني عليها البابا، وكنت مسؤولة برامج المرأة.
كان عنا حلفاء من الجمعيات العربية، وشركاء دوليين.

مش بس ساعدنا نتعرف على مبادئ جديدة مثل الديمقراطية وحقوق الإنسان وبناء السلام وحقوق المرأة، كمان
عطونا أدوات جديدة لتنظم شغلنا. ما كان عنا أي معرفة أو خبرات بكيف منقدر نطبق المعاهدات الدولية بلبنان.

ما كنا نعرف إنو العنف ضد المرأة هو مشكلة اجتماعية لأن كان يضل مخبيا ضمن العيلة وكان تابو ينحكي عنه.

وأنا كنت فكر
متل كل الناس
إنو الموضوع
حالات فردية.

كنا عم نشتغل على أكثر من جبهة. من ميل، بلشنا التحضيرات لمؤتمر بيKin وهو المؤتمر الدولي الرابع حول قضايا المرأة.



بس قبل بيKin أنسينا "محكمة النساء العربية" وكانت نتيجة مبادرات تنسيقية على صعيد العالم العربي، ولو لا هيدا النشاط ما كان عنا استعداد كافي لمؤتمر بيKin. ما كان عنا معلومات لثبت وجود العنف الأسري.



فقررنا ننظم جلسات استماع مع نساء من المنطقة العربية عن تجاربهن مع العنف. كانت الجلسات كتير مؤثرة وبيّنت إنو العنف منتشر بكل المجتمعات وجذوره موجودة بالتقاليد والثقافة والدين وحتى بالقوانين.



"محكمة النساء" مش بس فضحت جرائم العنف، كمان أنسست لسار جديد من النضال للتغيير السياسات والقوانين. وكان دعم الأمم المتحدة كتير مهم، بس كمان كان عنا خبريات عاملين دراسات عن هيدي القضايا ومساهماتن كانت ضرورية.



كان الجو كتير متعاون بين الدولة والجمعيات النسائية ورحنا سوا عيKin كوفد رسمي لبنياني برئاسة السيدة الأولى.

مؤتمر بكين كان لحظة تاريخية، وأعطى الأجندة النسوية شرعية مستقلة عن الأحزاب السياسية.
صحيح شرعية دولية بس على الأقل وضع إطار عمل للتحفيز الحقيقي.



UNITED NATIONS
FOURTH WORLD CONFERENCE ON WOMEN
—BEIJING 4-15 SEPTEMBER 1995

نورا: بس الدولة تحفظت على اتفاقية
سيداو. خاصة بقضايا الأحوال الشخصية!

معك حق وهيدا كان خالد أساسى بعد بكين.
أجواء التعاون بين المجتمع المدنى والدولة تغيرت.
بلشت المشاكل مع حملة الزواج المدنى. كان عندن حجة
أنه رح يؤجج المشاعر الطائفية ويهدد السلم الأ资料ي.

نورا: من وقتها عم نطالب وما تغير شي.. بركي
مناغي مؤسسة الزواج بلا هالوجعة الراس!!

هيك بده تغيري كل المجتمع لأن
رح يوقفوا ضدك!

نورا: ما بكل الأحوال واقفين ضدنا!

كنا مجبورين نختار معااركنا وكيف بدننا نخوضها..
كان في كتير آراء حول كيف بدننا نطبق سيداو.

بس شفنا كيف لما تطريحي التغيير بطريقة جذرية بتروح الأمور
للفوضى. فقررنا تكون ديبلوماسيين وبدل الزواج المدنى قررنا نطرح
ال موضوع بشكل غير مباشر من خلال مواجهة العنف الأسرى.

CEDAW
ARTICLE 28

جنسيني كرامتي

GEDAW
ARTICLE 9

الجنسية لأسرتها

وهيك أنسينا أول
تحالف بـلبنان لمناهضة
العنف ضد المرأة



كان شغلنا بالأول تطوعي، ومع الوقت صرنا موظفات بمعاش. بس ظروف العمل ما كانت عادلة، بحجة إنو نحن مناضلات... "شو مفكرة حالك موظفة بنك؟"



صحيح هيدا دور الدولة... بس من هلق للدولة تقوم بواجباتها قررنا ما نترك النساء لوحدين. وما اكتفيينا بالخدمات، بلشنا كمان نشتغل على مشروع قانون.



التحديات ما كانت بس بوج الدولة. بالإضافة للاختلافات السياسية، التنافس عالتمويل خلق مشاكل بين المنظمات، ومنع الحركة النسوية تشغيل على أجندات موحدة.



صحيح مش كل الجهد أدت
لإصلاحات قانونية، بس قدرت تعمل
وعي اجتماعي عند الكل وحتى الناس
العاديين اليوم يبحروا بهاي القضايا..

١١ شهر فكم
يقتل

من أهم هيدي الانتصارات برأي إلغاء جريمة الشرف.
هيدي الإصلاحات ما كانت صارت لو ما في نساء
ناضلوا وتجرأوا على فضح العنف.

في كتير جمعيات حققت إنجازات مهمة مثل اجازة
الأمومة، السماح للنساء بممارسة أعمال التجارة..

mtv

نورا:

صحيح هيدي
القوانين كتير
 مهمة بس
الجرائم ما
وقفت النساء
بعدن عم
ينقتلوا!

الغاء جريمة الشرف
الجمعيات النسائية ترحب و تستغرب معارضه البعض

معك حق.. وهيدا لأن ما في
دولة لهيك نحن مكفيين
شغلنا لتغيير كل القوانين.
والأهم نضل قادرین نقدم
الدعم للنساء.

STOP VIOLENCE
AGAINST WOMEN
CALL ABAND
81788178

نورا: كل ما الدولة
تعطينا شي بترجع بتاخده
بغير طريقة.. صح صار
عنا قانون لحماية النساء
من العنف بس إلا ما
طلعوه مشوه.

الاغتصاب جريمة
لو مين ما ارتكبها
لا تشوهو امشروع قانون حماية النساء من العنف الأسري

العنف بالبيت
لارام يوقفه
#حجر مصر حجز
81788178

DOMESTIC
VIOLENCE
IS A
DEADLY
VIRUS
81788178

حلق للعنف
بالبيت
#حجر مصر حجز

You are
NOT alone!
#LockDownNot
LockUP
81788178

حجر مع
حجر
نعن حجز

كان مسار القانون كتير صعب، وصح خسرنا بعض المواد اللي كان بدننا ياهها، مثل
جرائم الاغتصاب الزوجي، بس أكيد هيدا انجاز لكل النساء.

نورا: بتذكر شاركت مرة بمظاهرة بالصناعات، كتير ناس كانوا معتبرين
على وجود ستريدا جمجم وغير احزاب طائفية مثل تيار المستقبل....

كنا بحاجة لموافقة الكتل النيابية لإقرار
القانون بمجلس النواب.

وما وقفت يوم نشتغل على التعديلات اللي بدننا ياهها.

موافقة اننا مقصرین بكتير قضایا حابین نشتغل
عليها، خاصة مع ناس متلك يا نورا.. بس ما
عم نلحق.. أوقات ما بقشع قدامي بسبب الـ
.deadlines

يقف
الـ Deadlines





ها! أكيد عنا آراء مختلفة بكتير
اشيا، بس أنا على طول بدعم كل
الشغل وكل النسويات!

نورا خبرينا قصتك بركي
منفهم افكارك اكتر.

انا كنت فكر اننا
متفقين على كل
شي!

وأخيراً صار دورى!!

من زمان كنت حس أن اللييانز ما الن
 محل بين النسويات بلبنان. بس هلق تحسن
 الوضع وصرتوا مهتمين تسمعوا قصتي.

بس انسوا قصة طفولي ووين خلقت وهول القصص لأن
ما إلى جلد خبركن هههه بس مختصر مفید انو أحلى
أوقات بطفولي كانت أكثر الأوقات رعب بذات الوقت...

ما بدبي خبركن قصة طفولي بالحرب الأهلية...
أصلًا ما بعرف ليش بيسمونا جيل الحرب
وكلكن عشتوا حياتك بالحرب هاهاما!



قصة نور!

أول مرة حسيت بالحرية وقت تحرير الجنوب من الاحتلال
الإسرائييلي ورجعنا عضيعة بيبي اللي ما كنت بعرفا...

وستتها كمان فطس
حافظ الأسد... يلعن روحه !!

بنفس السنة صارت الانتفاضة الثانية وكنا أنا
وأصحابي بدننا نعمل مظاهرة بالمدرسة..

وكنت محمّسة تابع أخبار التحرّكات...
ومن خلال الجرائد تعرّفت على
شخصيات ومجتمعات سياسية
كانت ناشطة عالارض.

بوقتا كان في كتير مظاهرات
تضامن بيروت، وكنت اترجع
عليهن من البلكون.

حق العودة

الناشر
فلان الفلاني
فلانيتا

كان عندي حشريّة حول أفكارهم،
بس ولا مرة اقتنعت فيها،
أو حس في شي ناقص...



اول ما بلشت جامعه صار هجوم
أيلول بنديورك.

رحت عند أصحابي نتفرج عالمشاهد من الأخبار... كنا مفكرين إنو تعودنا على مشاهد الحرب
بس كان الشعور كتير غريب إنو هيدا الشي عم يصير على أرض أميركا.



كنا عم نشرب لأنو عارفين انورح ناكل خرا كلنا سوا.
وهيدا اللي صار...

صار فيه مجازر بأفغانستان والعراق، وكل العرب والمسلمين صاروا "إرهابيين" بالحرب على الإرهاب.



بها الفترة كنت مركزة على الدرس
للجامعة وشوية حيز خاص اسرقه
من أهلي تشووف اصحابي...
أهلي تقريباً ما كانوا بيعرفوا شي
عن حياتي الخاصة..
اصلًا ما كان بدبي ياهن يعرفوا شي..

كنت عم أعمل اختصاصين
واحد أدب انجليزي والثاني
اختصاص كافيتيريا ولو جيا
هاهاهاهاها!

الجامعة كانت أكثر من مكان اتعرف فيه على أفكار جديدة،
فكان تسمحلي أهرب من سيطرة أهلي... ياي شو كنت كذب علينا!

أساميَّة بن لادن؟

صنفوه الأميركيان...

إيه بابا، كنا غاطسين بالدرس.
ما انتبهنا للوقت...

هلق تغييرت علاقتنا كتير بس وقتها كنت حاقدة عليهم...
مع انن ربوني على مبادئ الحرية والانفتاح وانو كل المشاكل
بتتحل بالنقاش، ودفعوا دم قلبنا تا كمل جامعة وصير مستقلة...

عيـب

سرانـي لوع الفنـقـ!

عيـب يا نورـاـ!

صرـتي صـيـحةـ وـبـغـرـبـيـ.ـ اـنـتـبـرـيـ!!

ريـحـتكـ دـخـانـ وـمـشـرـوبـ!

كل هـيـ المـبـادـيـ بـتـخـتـفـيـ لـمـاـ يـصـيرـ المـوـضـوـعـ
خـصـهـ بـجـسـمـيـ وـخـصـوـصـيـ...

كنا نتفق حول الخطوط العريضة بالسياسة بس ما بيعتبروا سلطتهم علي موضع سياسي.

مثلاً كنا متفقين انو الحرب على العراق ما لازم تصير... وهيدا الموقف ما كان من البديهيات وقتها، تخالي لي كان في ناس داعمة للحرب على العراق، اليوم عم يتضامنوا مع الثورة العراقية...

قررت كل العيلة تنزل على المظاهره...

ووقتها بي شاف الـ "رينبو فلاگ" لأول مرة بحياته...

بس أنا صار عندي حشريه اتعرف على المجموعة اللي حاملة العلم.

ما كان عارف لشو بيرمز العلم وما كنت قادرة فسر له ان هيدا مش علم الخامس حدود للطيبة الدرزية... فتركته على نياته.

شو حان الاروز مشارkin؟

ضليت ناطرة لآخر المظاهره لتجرأ احكي معن.
كنت كتير متربدة وخايفه حدا يفكري من.

بس هني كانوا كتير لطيفين وحسوا اني
ملبكة وما كترووا حكي...
خبروني عن اجتماعات عم تصير بزيكوا
هاوس وعزموني شارك.

ما قدرت نام هيديك الليلة...

كنت عم اتخزق بين حماسي لفكرة وجودن بالحيز العام وبذات الوقت
خوفي إني يلقطوهن الدرك و يحطوهن بالحبس...




كانت الهوموفobia أسوأ كتير من هلق... ما كان حدا بالمجتمع
بيرفع هالقضية. ولا حتى اي حزب ثوري او منظمة نسوية...



دائما الدولة بتضطهد المثليين والترانس ويتشهر فيهم وبتبتهزم...
وهيدا الشي كان يصير كتير وحتى مع أصحابنا...
بس الرجال المتحرشين والمغتصبين ويلي بيقتلوا زوجاتن ما حدا بوقفهم!

بس طلع الصبح اخذت قرار انو ما راح شارك بالمجتمع
بس ضلليت تابع اخبار المجموعة على الانترنت.



كنت بفضل كون بمكان آمن لشارك تجاري واتعلم من تجارب غير نساء.



هيدا المكان ضروري لنبني حركتنا،
 خاصة إنو المجتمع عنيف والحركة النسوية غالية عن قضايا التحرر الجنسي.

يمكن ما كان الوقت مناسب..

كان الوطن كلو مهدد
بفترة الـ 2005

والصراع بين 14 و 8 آذار
مع إنو تنيناتن
نفس العصابة..

معك حق! لو في
حركة نسوية قوية
كانت إشيا كتير تغيرت..

بس هيدا ظلم!
الحركة بتتمثل كل النساء،

ومش ضروري نركز
عالآليات الجنسية

كمان صار مشاكل بقلب الكوميونيتي وانقسامات سياسية جديدة..
أكان ما كان بكفيننا الأزمة اللي عايشين فيها.

كان الوضع كتير مازم بعد اغتيال الحريري...
طبعي نحس بخوف من حرب جديدة كل مرة بيتخانقوا أمراء الحرب.



قررنا نأسس مجموعة مستقلة للبنات... وصرنا نجتمع بالسر. اخترنا نبعد عن السياسة ونبني حركتنا النسوية على التضامن.



بها لفترة كنت حس اني حرة واني بنتمي لناس بيشبهوني واقفين حدي لو شو ما صار... كناعم نعمل ورشة فكرية وسياسية بلا ما نتنبه.



تقدر نعرف كيف نأسس حركتنا قررتنا نتعلم من نضال النساء اللي سبقونا وصرنا نقرأ أدب نسووي من أميركا وأوروبا...
بس كمان كنا مبهوريين بتجارب النسوية السوداء والمناهضة للاستعمار.



وبلشنا نكتب مقالات ونشروا على ويبسيت وعلى السوشل ميديا...
كنا نكتب عن تجاربنا الشخصية كنساء عن الحياة والذكورية واللذة والعلاقات والعنف والحب...
وكمان أسسنا مجموعة لمناهضة العنصرية ومركز لدعم العمال والعاملات المهاجرات...

أعلنا ثورة على الأفكار السياسية القديمة. نحنا مش بحاجة لوصاية من
حدا نحن منحمر بعضنا، نحنا عن حرية امتلاك والتصرف بأجسامنا.

قررتنا نبني علاقات مع الجمعيات النسائية.. وهون بلشنا نواجه صعوبات.
كان في رفض النا بسبب جرأتنا بالحكى عن التحرر الجنسي... .



نسويتنا تقاطعية ضد الطائفية
والعنصرية والأبوية والطبقية!

بس شوي شوي قدرنا نساهم بدعم
الحملات بالمعارض للحق بالجنسية
او ضد العنف والتحرش والاغتصاب.

مثل كل الناس اللي عايشين بمنطقتنا عنا رغبة بالثورة على الواقع... الناس عايشين بالقمع والتعذيب والفقر والجوع والذل...
فانفجرت الانتفاضة الشعبية من تونس لليمن ومن سوريا للبحرين.

ما صدقنا شو كان عم يصير!

ما كنا نلحق أخبار، بين التلفزيون والسوشل ميديا كنا تتبع كل شي، ونخاف ونبكي ونبسط مع المتظاهرين ونحس بوجعهم!



اتصلوا فينا مجموعات تانية لأن أساس تحالف
"الشعب يريد إسقاط النظام الطائفي".

كان الكل محمّس والأجواء
كانت كتير إيجابية بالأول
و عملنا أول مظاهرة
تحت الشتي...



بس بيّنت الانقسامات بسرعة...

أول شي ممنوع تتضامن مع الثورة السورية لأن كان في
مجموعات موالية لبشار الأسد..



صحيح ما قدرنا نعمل ثورة مثل ما كنا عالم نحلم..
بس بش يصير كتير تحركات ضد الوضع..
من إضراب موظفين السبينيز للمياومين بشركة كهرباء لبنان.
تأسيس نقابة عاملات المنازل..



#طلعت_ريحتكم

لحد ما انفجر بال 2015 بسبب أزمة الزبالة..
يمكن ما كنا متوقعين الناس يتظاهروا بهيذا الحجم..
بس مشاكل 2011 لحقتنا هاهاهاه!

هالمرة، النسويات حافظوا على خصوصيتهن وأسسوا
تحالف حول كل القضايا النسوية في لبنان... وصار التحالف
ينظم مسيرة يوم المرأة العالمي بـ 8 آذار كل سنة.

النظام الأبوي قاتل

الثورة النسوية هي اللي رح تصنع التغيير!

ما بقى نسمح للرجال يقرروا بالسياسة
لوحدهم... من اليوم ورأي لازم نكفي لوحدنا.

الثورة اللي يحلم فيها هي لكل إنسان بها البلد، للنساء والرجال، للأطفال والمسنين، للاجئين والمهاجرين... والكل لازم يكون شريك بالثورة.

موافقة إنو النظام لازم يسقط، بس هيدا ما بي肯جي ليتحرروا النساء إذا ما تغيرت عقلية الناس. الصبايا كانوا أجرأ منا بطرح قضايا الجسد، ولازم نحميهن ونكتفي سوا.

لازم نحط ستركتشر للتغيير. لازم نعمل انتخابات مبكرة وحكومة مستقلين، وإلا منصير بالفراغ والفوضى.

طيب، بس أوقات بصير فكر إنو ليش ما فيينا نحتل الدولة؟! حياتنا ومستقبلنا حنا منحيمين!

هاي أول مرة منقعد ومنحكى مع بعض بقلب مفتوح. هيدا بفضل لارا!

المرة الجاية منخفف عليها قصص عن الماضي هاها حاسة انو نحنا ولا را منقدر سوا نتخيل عالم أفضل...

متلا الشغل اللي صار لانتخابات
بالـ2016 وببيروت مد....


طافت
الدنيا!!

الفیضان












لوين منوّسلك يا ماري؟



الهوامش

الاجتماع

- الصفحة 1: الواقع هو الذي أجاب عن السؤال للحير حول كيفية بدء قصة مصورة عن النسوية في لبنان. ففي بداية عملنا على النص، قامت انتفاضة في لبنان في 17 تشرين الأول 2019. وأنباء مشاركتنا في النقاشات والفعاليات المختلفة المرتبطة بالانتفاضة، لاحظنا الظهور المتعدد لديناميات سلطوية ضد النساء، وذلك خلال التظاهرات والمجتمعات. وكيف لنا ألا نبدأ من هنا؟
- الصفحة 2، لوحة 4: مقاطعة سامي هي فعل عدواني يقوم به الرجال بشكل اعتيادي خلال هذه المناقشات. هناك الكثير من التوثيق والشهادات والأبحاث حول هذه الممارسة الشائعة والتي تحبط قدرة النساء على التفاعل والاستمرار بالمناقشات.
- الصفحة 4: المنطقة التي تتجول فيها شخصياتنا تعرف باسم "بنية اللعازرية". أحد الواقع العديدة التي احتلها المحتجون/ات خلال الانتفاضة.
- الصفحة 5، لوحة 1: ملاحظة هيفاء هنا ترتكز على مفاهيم ومقاربات بعض المنظمات النسوية، والتي اعتبرت مشكلة النظام البطريكي والرجال قضية صحة عقلية/مشكلة نفسية.

الفصل الأول - قصة ماري

- هناك نقاش إشكالي مستمر حول "من بدأ النسوية في لبنان؟" معظم الدراسات تعتمد ببدايات القرن التاسع عشر كنقطة انطلاق للبحث في الحركات الاجتماعية وخصوصا حركات النساء في العالم العربي، وبالتحديد في لبنان (حق قبل أن يصبح دولة مستقلة). قررنا أن نبدأ من المرحلة التي بدأ فيها الاستعمار الفرنسي بتسلیط الضوء على الدور الحاسم الذي لعبته الطبقة العاملة، رجالاً ونساءً، في المعركة من أجل الاستقلال. تجدر الاشارة إلى أن قصتنا تعتمد بشكل جذري على الرواية الشخصية لتعكس خصوصية تاريخ النسوية في مقابل التصنيفات الصارمة لختلف التيارات النسوية التي ظهرت في لبنان على مر الزمن، وليس لتقدم مسحاً لإنجازاتهن.
- الصفحة 6، لوحة 2: تأسست شركة الريجي عام 1935 خلال ذروة الاستعمار الفرنسي في لبنان. احتكرت الشركة إنتاج التبغ وكانت في الغالب ترتبط بالاستعمار واستغلال العمال.

- الصفحة 8، لوحة 3: وردة بطرس هي أول امرأة شهيدة للحركة العمالية بعد الاستقلال. كفاحها يعكس حضور المرأة في قيادة الحركات العمالية. قُتلت في إطلاق نار من قبل قوات الأمن بتاريخ 27 حزيران 1946 خلال هجومهم للقضاء على إضراب العمال ضد شركة الريجي. موتها أدى إلى التمسك بالقضية وما زال صدى إثرها حق اليوم وعلى وجه الخصوص في الحصول على أول قانون عمل في لبنان.
- الصفحة 9، لوحة 2-1: بناء على القانون اللبناني، لا تملك النساء سجلًا مدنياً (قيد نفوس) خاص بهن حيث يتم تسجيلهن على سجل الوالد ومن ثم الزوج. أيضاً، خلال تلك الفترة، كان الزواج بينأشخاص من أديان مختلفة أو طوائف مختلفة في الدين الواحد يواجه ضغوطاً.
- الصفحة 9، لوحة 3: القانون الأول للانتخابات الذي صدر عام 1950 لم ينصف المرأة وحرمها حقوقها السياسية. وفي هذا السياق، كانت الأولوية للتحرك والتعبئة من أجل الحقوق السياسية للمرأة. وقد تضمنت حملة حق المرأة في التصويت طرق الأبواب لجمع التوقيع للعرائض، والظاهرات، وتنظيم الاجتماعات للتنسيق بين جميع المطابق.
- الصفحة 13، لوحة 1: الحصول على كامل الحقوق السياسية كان إنجازاً هاماً للحركة النسائية. ونتيجة لهذا الانتصار، أدت التحركات في 1952 إلى تأسيس اتحاد للمؤسسات النسائية تحت مظلة منظمة "المجلس النسائي اللبناني" وذلك كإنجاز للاستجابة لطالبات الحصول على الحقوق السياسية.
- الصفحة 13، لوحة 4: هؤلاء النسويات الرائدات بعيدات بشكل عام من الدوائر الشعبية، المجلس النسائي اللبناني عكس البنية الطائفية من خلال تناوب للسيحيات والملحمنات على القيادة. يكشف النقاش النسووي في الموجة الأولى عن التداخل والخلط بين الهوية الوطنية "الحداثة" وهوية حقوق المرأة في الأسرة والذي عكس أيضاً جدال الأحزاب السياسية في تلك الفترة، سواء اليمينية أو اليسارية.
- الصفحة 13، لوحة 4: الجريدة وراء نضال هي جريدة النهار عدد 2705، يمكن الرجوع إلى: <https://womeninleadership.hivos.org/timeline>
- الصفحة 14، لوحة 1: الأزمة السياسية والاجتماعية والاقتصادية تحولت إلى مواجهة طائفية مسلحة قصيرة عام 1958.
- الصفحة 14، لوحة 5: تعكس الموجة الثانية الانتقال من النسوية الوطنية إلى النسوية اليسارية. تحدّت هذه الموجة الحركة النسوية القائمة واليسار بشكل عام. بداية الموجة الثانية كانت في أواخر السبعينيات. هذه الحقبة معروفة بخيبة الأمل الناتجة عن الهزيمة في حرب 1967 مع إسرائيل (النكسة).

الفصل الثاني - قصة نضال

- الصفحة 16، لوحة 3: الخطاب في التلفزيون للرئيس جمال عبد الناصر، وهو يعلن تأميم قناة السويس في 26 تموز 1956.
- الصفحة 17، لوحة 1: يقرأ والد نضال جريدة النهار اللبنانية. تحمل الصفحة الأولى خبر تأسيس "منظمة التحرير الفلسطينية"، الذي أُعلن من الكويت العام 1964.
- الصفحة 17، لوحة 2: سقوط "بنك إنترارا" كان حدثاً مفصلياً أدى إلى أزمة مالية كبيرة في لبنان. انهار المصرف في 14 تشرين الأول 1966، ما كان له ترددات في جميع أنحاء المنطقة.
- الصفحة 17، لوحة 3: الإعلان في الراديو هو عن اقتراب السفينة العسكرية الأمريكية "لبيرتي" نحو السواحل المصرية خلال حرب 1967.
- الصفحة 17، لوحة 4: تم التوصل إلى اتفاق القاهرة في 2 تشرين الثاني 1969 خلال مفاوضات بين ياسر عرفات وقائد الجيش اللبناني العmad Eimel بستاني برعاية الرئيس المصري جمال عبد الناصر. أقرت الاتفاقية حق الفلسطينيين في لبنان "بالمشاركة في الثورة الفلسطينية من خلال الكفاح للسلح"، وسمحت للفلسطينيين أن يسيطروا قانونياً على مخيمات اللاجئين في البلد. ألغى البرلان اللبناني الاتفاقية بتاريخ 27 أيار 1987.
- الصفحة 18، لوحة 3: اللافتة مأخوذة من إضراب العمال. للمزيد عن هذا يمكن الرجوع إلى الفيلم الوثائقي "شعور أكبر من الحب" لماري جرمانوس.
- الصفحة 19، لوحة 4: كان أحد الجوانب الأساسية "لليسار الجديد" الصاعد خلال السبعينيات هو الاعتقاد بأن الشيوعي يجب أن تكون لديه القدرة على التنظير من أجل تنقيف الجماهير وإحداث تغيير جذري في المجتمع. للمزيد حول هذا الموضوع، يرجى الرجوع إلى بحث أغنس فافير عن صعود جيل من الناضلين للثقافين.
- الصفحة 20، لوحة 3: صعدت الموجة الثانية من المنظمات النسوية كأذرعة للأحزاب، مثل "الجمع النسائي الديمقراطي اللبناني" الذي تأسس في 1976 كان منظمة شقيقة (فرع) لـ"منظمة العمل الشيوعي في لبنان"، بينما كان "الاتحاد النسائي التقديمي" الذي تأسس عام 1980 تابعاً لـ"الحزب التقديمي الاشتراكي". لم يستطعن تشكيل أجندية سياسية مستقلة عن الأحزاب السياسية التي كن ينتمين إليها.
- الصفحة 20، لوحة 4: الكتاب الذي تقرأه نضال هو "اللغز الأنثوي" (1963) للكاتبة بيقي فريidan، إحدى الكاتبات النسويات العديدات اللواتي أشعلن شرارة الموجة النسوية الثانية في الولايات المتحدة. أمثلة أخرى عن القراءات الملهمة للموجة النسوية الثانية

تتضمن "جدلية الجنس: قضية الثورة النسوية" (1970) للكاتبة شولاميث فايرستون، و"أسطورة النشوة المثلية" للكاتبة آن كودت.

• الصفحة 22، لوحة 2: وفقاً لشهادات مختلفة لناضلات من تلك الحقبة، كانت النساء في كثير من الأحيان ينظمن فقط للدعم الوجسي والاتصالات للعديد من نشاطات المقاومة.

الصفحة 23، لوحة 2: للصقات المchorة هنا هي ملصقات فعلية من تلك الفترة. للمزيد حول هذا الموضوع راجع أرشيف مشروع الملصقات الفلسطيني: palestineposterproject.org

الفصل الثالث - قصة هيفاء

• الصفحة 28، لوحة 4: عولة القضايا النسوية منحت المنظمات النسوية أدوات جديدة للدعم والخشى، بشكل عام في إطار الإصلاح القانوني. هذه العولة ساهمت أيضاً في تفريح المنظمات النسوية التي اعتمدت بشكل كبير على التمويل الدولي. الوصول إلى الشبكات الدولية من حيث موارد مالية وتقنية هامة، مثل الدعم المادي على شكل منح للمشاريع، وبناء القدرات، والتدريب على الأدوات الدولية لحقوق الإنسان.

• الصفحة 29، لوحة 1: نشأت الوجهة النسوية الثالثة أوائل التسعينيات، قبيل الاستعدادات "للمؤتمر العالمي الرابع للمرأة: العمل من أجل المساواة والتنمية والسلام" المنعقد برعاية الأمم المتحدة في أيلول 1995 في بكين في الصين. اعتبر هذا المؤتمر من قبل ناشطات تلك الحقبة حدث محوري في تقدم الحركة النسوية. حيث أعطى شرعية عالية لقضايا المرأة وساعد النسويات للتخلص من الهيمنة الحزبية. كما شرحت إحدى الناشطات: أخيراً أكد مؤتمر بكين على أن الأجندة النسوية اتخذت شرعية وأصبحت جزءاً من النقاش العالمي، ويعود الأمر لنا للربط بين ما تقرر على المستوى العالمي وما نقوم به على المستوى المحلي.

• الصفحة 29، لوحة 2: محكمة النساء العربية محكمة رمزية تشكلت من قبل قاضيات ومحاميات وبرليانيات وشخصيات عامة من حركات النساء العربيات بالإضافة إلى عدد من الناجيات من العنف ضد المرأة. وقد مثلن 14 دولة عربية حيث اجتمعن في بيروت من 28 إلى 30 حزيران 1995. استمعت المحكمة لشهادات حية من 33 ناجية من العنف. وللمرة الأولى في تاريخ الحركة النسائية أقيم حدث رمزي لادانة العنف ضد المرأة. اتبعت محكمة النساء العربية نموذج ظُبْقَ في العديد من الدول وذلك تحضيراً لمحكمة النساء الدولية، التي تأسست بعد أشهر (ايلول 1995) في بكين كجزء من أنشطة المؤتمر الدولي للمرأة.

• الصفحة 30: خلال المؤتمر، ألقى هيلاري كلينتون خطابها بعنوان "حقوق النساء هي حقوق الإنسان". وقد شكل المؤتمر نقطة تحول للأجندة العالمية للمساواة الجندرية. "إعلان ومنهاج عمل بكين"، الذي تبنته بالإجماع 189 دولة، وضع أجندة من أجل تمكين المرأة، واعتبر الوثيقة الأساسية للسياسة العالمية للمساواة الجندرية.

تبنت "الجمعية العامة للأمم المتحدة" في 18 كانون الأول 1979 "اتفاقية القضاء على جميع أشكال التمييز ضد النساء"، أو "سيداو"، وصادق عليها لبنان في 1997. تبع هذا التصديق في 1998 تأسيس "الم الهيئة الوطنية لشؤون المرأة اللبنانية" التابعة لرئاسة مجلس الوزراء. تحفظ لبنان على المادة 9(2) من الاتفاقية المتعلقة بالجنسية؛ العديد من الفقرات في المادة 16(1) تتعلق بقانون الأحوال الشخصية؛ كما تحفظ على المادة 29(1) حول اللجوء إلى "محكمة العدل الدولية" لفض النزاعات المتعلقة بتأويل الاتفاقية (المصدر: unwomen.org).

• الصفحة 33: في 2014، وافق البرلمان اللبناني على قانون يهدف إلى حماية المرأة وبافي أفراد الأسرة من العنف الأسري والاعتداء الجسدي. وبالرغم من ذلك قام البرلمان بتعديلات أساسية على المسودة التي قدمها "التحالف الوطني لتشريع حماية النساء من العنف الأسري" الذي ضم 41 منظمة حقوقية. قدم التحالف اعتراضًا على القانون بالرغم من اعتباره "أحد أهم منجزات حركة حقوق المرأة في لبنان" (المصدر: <https://kafa.org.lb/ar/node/19>).

الفصل الرابع - قصة نورا

• الصفحة 36: في 25 أيار 2000 انسحبت قوات الاحتلال الإسرائيلي من معظم الأراضي في الجنوب اللبناني، والتي احتلتها خلال حربها المتعددة.

حافظ الأسد الديكتاتور السوري الذي حكم سوريا من عام 1970 حتى وفاته في 10 حزيران 2000 حيث تم نقل السلطة إلى ابنه بشار الأسد الديكتاتور الحالي في سوريا. انطلقت الانتفاضة الثانية، والتي تعرف أيضاً باسم انتفاضة الأقصى، في 20 أيلول 2000، كرد على فشل مفاوضات السلام واستمرار الاحتلال الإسرائيلي.

في هذا السياق، كانت منظمات يسارية جديدة تتشكل خارج الحزب الشيوعي اللبناني كجزء من معارضة أوسع كانت تنمو داخل الحزب. تمحورت الخلافات الرئيسية حول هيمنة النظام السوري في لبنان بعد الحرب الأهلية ودوره في قمع الحريات العامة والخاصة. لعب النظام الأمني اللبناني السوري دوراً فاعلاً ليس فقط في قمع أحزاب المعارضة، ولكن أيضاً في التآمر على الاتحاد العمالي العام في لبنان، واستئصاله قيادته.

• الصفحة 39، لوحة 1: حملة "للحرب لا للدكتاتوريات" نُظمت في 2003 في بيروت من قبل مجموعات يسارية مستقلة، على سبيل المثال "طلاب شيوعيون"، "بلا حدود"، الخط المباشر". عارضت الحملة الحرب الإمبريالية على العراق وتضامنت مع الشعب العراقي في مقاومته لنظام صدام حسين.

- الصفحة 39، لوحة 2: تستخدم الطائفة الدرزية خمسة ألوان (خمسة حدود) كرمز ديني: أخضر، أحمر، أصفر، أزرق، أبيض.
- الصفحة 40، لوحة 3-2: يجرم قانون العقوبات اللبناني لعام 1943 في المادة 534 ممارسات المثلية الجنسية. يعاقب لبنان على أفعال المثلية الجنسية بالسجن والذي قد يصل لمدة عام. ومن للعتاد أن يتم ملاحقة أي تعبر يدل على عدم التماهي مع الهوية الجندرية من خلال العديد من المواد القانونية التي تنظم الأخلاق العامة.
- الصفحة 41، لوحة 5-2: تتشابه تجارب النساء في "حلم" مع تلك التجارب في العديد من حركات مجتمع الميم حول العالم، وخصوصاً مشكلة العلاقات التنظيمية بين الرجال والنساء. وبالرغم من أن "حلم" من حيث للبدأ تموضعت ضد النظام البطريري إلا أن حركة مجتمع الميم أعادت إنتاج النطق للنبش عن التمييز الجنسي. وقد أدت تلك العلاقات السلطوية البطريريكية إلى ابعاد النساء في نهاية كل نزاع. تبيّنت ناشطات هذه الوجة موقفاً نقدياً تجاه المنظمات النسوية للموجودة، وتحديداً حول التهميش الكامل لإشكاليات تحرير الجسد. ركزت نقاشاتهن على مقاربة "تقاطعية" لتحرير النساء.
- الصفحة 43، لوحة 3: اللافتة "النظام الأبوي قاتل" رُفعت من قبل "البلوك النسوي"، وهو تحالف عدد من المنظمات النسوية.

مراجع مختارة

Abisaab, Malek. *Militant Women of a Fragile Nation*. Syracuse University Press, 2010.

Al-Ali, Nadje, "Gendering Reconstruction: Iraqi Women between Dictatorship, Wars, Sanctions and Occupation." *Third World Quarterly*, Vol. 26, No. 4-5, pp 739- 758, Routledge, 2005.

Daou, Bernadette, "Les féminismes au Liban: un dynamisme de positionnement par rapport au patriarcat et un renouvellement au sein du "Printemps Arabe""", Master's thesis, Université Saint-Joseph, Beirut, October 2014.

Daou, Walid, "What are the possible strategies for the emergence of a democratic and revolutionary labour movement in Lebanon?" In *Where are the unions? Workers and social movements in Latin America, the Middle East, and Europe*. Ed. Lazar, Sian. Zed books Ltd., 2017.

Favier, Agnès, "Logiques de l'engagement et mode de contestation au Liban: Genèse d'une génération de militants intellectuels (1958-1975)", Thèse de Doctorat, Université PaulCézanne-AixMarseilleIII, 2004.

Jad, Islah, "The NGOization of the Arab women movement," *Al-Raida*, Volume XX, No. 100 Winter 2003.

Jirmanus, Mary (Director). *A Feeling Great Than Love*. Tricontinental Media, 2017.

Karam, Karam, *Le mouvement civil au Liban: Revendications, protestations et mobilisations associatives dans l'après-guerre*, Paris, Karthala, 2006.

Kassir, Samir, *La guerre du Liban : De la dissension nationale au conflit régional*, Karthala-CERMOC, 1994.

Makarem, Ghassan, "The Story of Helem", in *Journal of Middle East Women's Studies*, Vol.7, n°3, Fall 2011.

Mansour, Nisrine, "Governing the personal Family law and women's subjectivity and agency in post-conflict Lebanon", PhD thesis, London school of economics and political science, 2011.

R., Anthony, ""Moral exclusion" in the popular movement and the ideology of the ruling class", *al-Manshour*, special issue, Fall 2015.

Tejerina, Benjamín et al., "From indignation to occupation: A new wave of global mobilization", *Current Sociology*, Vol. 61, issue 4; 2013.

Yasmine, Rola; Sukkar, Batoul, "In the Pursuit of Reproductive Justice in Lebanon", *Kohl Journal*, Vol. 4 No. 2 | Centralizing Reproductive Justice, Winter 2018.

أحمد بيضون، "لبنان الاشتراكي" ظهور جماعية من شبيبة "اليسار الجديد" ومسارها في لبنان السبعينات، كلامن 8، خريف 2013.
[\(<http://www.kalamonreview.org/articles-details-184>\)](http://www.kalamonreview.org/articles-details-184)

إهان شناس شقير، "نساء في امرأة: سيرة لور مغيزل"، النهار، بيروت، 2002.

¹ غسان صلبي، "في الاتحاد كوة"، دار مختارات، بيروت، 1999.

¹ فهمية شف الدين، "الحركة النسائية في لبنان"، الاسكوا، 2006.

- كارولين سكر، "المجلس النسائي اللبناني: إشكاليات حركته المطلبية"، أطروحة لماجستير، الجامعة اللبنانية - معهد العلوم الاجتماعية - القسم الثاني، 2003.

ليندا مطر، "محطات من سيرة حساق"، دار الفارابي، بيروت، 2013.



لكل مطلق الحرية في:

- المشاركة – نسخ وتوزيع ونقل العمل لأي وسط أو شكل.
- التعديل – المزج، التحويل، والإضافة على العمل.
لا يمكن للمرخص إلغاء هذه الصالحيات طالما اتبعت شروط الرخصة.

بموجب الشروط التالية:

- تَسْبِبُ الْمُصَنَّفَ – يجب عليك تَسْبِبُ العمل لصاحبِه بطريقة مناسبة، وتوفير رابط للتاريخ، وبيان إذا ما قد أجريت أي تعديلات على العمل. يمكنك القيام بهذا بأي طريقة مناسبة، ولكن على ألا يتم ذلك بطريقة تؤدي بأن المؤلف أو المرخص مؤيد لك أو لعملك.
- غير تجاري – لا يمكنك استخدام هذا العمل لأغراض تجارية.
- الترخيص بالمثل – إذا قمت بأي تعديل، تغيير، أو إضافة على هذا العمل، فيجب عليك توزيع العمل الناتج بنفس شروط ترخيص العمل الأصلي.
- منع القيود الإضافية – يجب عليك ألا تطبق أي شروط قانونية أو تدابير تكنولوجية تقييد الآخرين من ممارسة الصالحيات التي تسمح بها الرخصة.

ملاحظات:

- لا يتوجب عليك الامتثال لشروط الرخصة مع العناصر الخاضعة للملك العام في المصنف أو إذا كان استخدامك ضمن نطاق الاستثناءات أو الصالحيات.
- بدون ضمانات. قد لا توفر لك الرخصة كل الصالحيات التي تحتاجها لفرض معين. فمثلاً، الحقوق الأخرى مثل الشهرة، الخصوصية، أو الحقوق المعنوية قد تحد من استخدامك للمصنف.


**ROSA
LUXEMBURG
STIFTUNG
BEIRUT OFFICE**
مؤسسة روزا لوکسمبورغ مكتب بيروت

المحتوى المنشور على هذا الموقع يعبر عن آراء المؤلفات/ين، ولا يمثل موقف مؤسسة روزا لوکسمبورغ.

